


FEDERALNA UPRAVA POLICIJE- Informacija o stanju kriminaliteta-sigurnosti u FBiH za mart 2024. godine

Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
FEDERALNA UPRAVA POLICIJE
SARAJEVO



Bosnia and Herzegovina
Federation of Bosnia and Herzegovina
MINISTRY OF INTERNAL AFFAIRS OF FEDERATION
OF BOSNIA AND HERZEGOVINA
POLICE ADMINISTRATION
SARAJEVO

**INFORMACIJA
O STANJU KRIMINALITETA – SIGURNOSTI**
na području Federacije BiH za MART 2024. godine

Sarajevo, APRIL 2024. godine



100

SADRŽAJ

I UVOD	1
II OPĆE STANJE SIGURNOSTI U FBiH	4
III KRIMINALITET.....	9
KRIVIČNA DJELA IZ KRIVIČNOG ZAKONA BOSNE I HERCEGOVINE	10
KRIVIČNA DJELA IZ KRIVIČNOG ZAKONA FEDERACIJE BOSNE I HERCEGOVINE.....	11
KRIVIČNA DJELA PROTIV ŽIVOTA I TIJELA	13
KRIVIČNA DJELA PROTIV SLOBODE I PRAVA ČOVJEKA I GRAĐANINA.....	14
KRIVIČNA DJELA PROTIV SPOLNE SLOBODE I MORALA	14
KRIVIČNA DJELA PROTIV BRAKA, PORODICE I MLADEŽI	14
KRIVIČNA DJELA PROTIV ZDRAVLJA LJUDI.....	15
KRIVIČNA DJELA PRIVREDNOG, FINANSIJSKOG KRIMINALA I KORUPCIJE	18
KRIVIČNA DJELA PROTIV IMOVINE	20
OTUĐENJA MOTORNIH VOZILA NA PODRUČJU FEDERACIJE BiH	21
KRIVIČNA DJELA PROTIV OKOLIŠA, POLJOPRIVREDE I PRIRODNIH DOBARA.....	22
KRIVIČNA DJELA PROTIV OPĆE SIGURNOSTI LJUDI I IMOVINE	22
KRIVIČNA DJELA PROTIV SIGURNOSTI JAVNOG PROMETA	22
KRIVIČNA DJELA PROTIV PRAVOSUĐA.....	22
KRIVIČNA DJELA PROTIV JAVNOG REDA I PRAVNOG PROMETA	22
KRIVIČNA DJELA SISTEMA ELEKTRONSKE OBRADE PODATAKA	23
OSTALA KRIVIČNA DJELA PREMA KZ FBiH	23
KRIVIČNA DJELA IZ DRUGIH POSEBNIH ZAKONA	23
SAMOUBISTVA.....	24
UČEŠĆE MALOLJETNIKA U IZVRŠENJU KRIVIČNIH DJELA	26
IV STANJE JAVNOG REDA I MIRA NA PODRUČJU FEDERACIJE BiH.....	29
V STANJE SIGURNOSTI SAOBRAĆAJA NA PODRUČJU FEDERACIJE BiH	32
VI AKTIVNOSTI POLICIJE NA PODRUČJU FEDERACIJE BiH.....	37
VII INFORMACIJE O MIGRANTSKOJ POPULACIJI	41

I UVOD

U skladu sa članom 65. i 66. tačke 2 i 3. Zakona o unutrašnjim poslovima Federacije Bosne i Hercegovine ("Službene novine F BiH", broj 81/14) i člana 9. Instrukcije o međusobnom izvještavanju o pojavama u oblasti javne sigurnosti između FMUP-a Bosne i Hercegovine i kantonalnih ministarstava unutrašnjih poslova u Federaciji o pitanjima koja su od interesa za sigurnost Federacije Bosne i Hercegovine broj: 09-1608 od 26.07.2007.godine i Uputstva o popunjavanju statističkih obrazaca broj: 09-1609 od 26.07.2007. godine, sačinjena je Informacija o stanju kriminaliteta - sigurnosti na području Federacije Bosne i Hercegovine za mart 2024. godine, i ista je urađena po standardiziranoj metodologiji na temelju statističkih podataka dobijenih od strane kantonalnih ministarstava unutrašnjih poslova – Uprava policije i Federalne uprave policije.

Kako bi se uspješno provodile ustavne i zakonske nadležnosti Federalne uprave policije i kantonalnih ministarstava unutrašnjih poslova, agencije su obavezne da se pridržavaju člana 38. (Međusobno obavještanje Uprave policije i kantonalnih ministarstava unutrašnjih poslova), člana 65. i 66. (Odnos Federalnog ministarstva unutrašnjih poslova i Uprave policije sa kantonalnim ministarstvima) Zakona o unutrašnjim poslovima Federacije Bosne i Hercegovine („Službene novine F BiH“, broj 81/14).

Koordinacija rada policijskih agencija u Federaciji BiH vršena je kroz održavanje sastanaka direktora Federalne uprave policije i komesara/direktora kantonalnih ministarstava unutrašnjih poslova gdje su razmatrana strateška, organizaciona i operativna pitanja zajedničkog funkcionisanja, a u cilju stvaranja sigurnosnog ambijenta na prostoru čitave Federacije Bosne i Hercegovine.

Informacija o stanju kriminaliteta - sigurnosti na području Federacije Bosne i Hercegovine sublimira kriminalitet, javni red i mir, sigurnost saobraćaja i aktivnost policije u martu 2024. godine, a što se može vidjeti kroz statističke pokazatelje kantonalnih ministarstava unutrašnjih poslova u Federaciji Bosne i Hercegovine i pokazatelje rada Federalne uprave policije – Federalnog ministarstva unutrašnjih poslova.

II OPĆE STANJE SIGURNOSTI U FBIH


Stanje sigurnosti na području Federacije Bosne i Hercegovine, u martu 2024. godine u odnosu na isti mjesec 2023. godine, prema statističkim podacima kantonalnih Ministarstava unutrašnjih poslova i Federalne uprave policije, prezentovanih po zadatim segmentima (tabela 1.) karakteriše povećanje:

- * broja izvršenih krivičnih djela za 136 (ili 10,74%)
- * broja registrovanih prekršaja iz oblasti javnog reda i mira za 64 (ili 4,67%), te smanjenja broja saobraćajnih nesreća za 29 (ili 1,63%), dok je broj napada na ovlaštena službena lica isti kao u uporednom mjesecu 2023. godine.

MART 2024./2023.	2023. GODINA	2024. GODINA	RAZLIKA	%TREND 2024/23.
KRIMINALITET (BROJ KD)	1266	1402	136	10.74%
JAVNI RED I MIR (BROJ PREKRŠAJA)	1371	1435	64	4.67%
SAOBRAĆAJNE NESREĆE (BROJ SN)	1775	1746	-29	-1.63%
NAPADI NA OVLAŠTENA SLUŽBENA LICA (BROJ NAPADA NA OSL)	5	5	0	0.00%

Tabela 1.: Kvantitativni pokazatelji segmenata sigurnosti na području F BiH

U narednim grafikonima prezentovani su gore navedeni segmenti posmatrani po udjelu kantonalnih Ministarstava unutrašnjih poslova u ukupnom broju, te su dati osvrti na sveukupno stanje sigurnosti posmatrano po prezentovanim segmentima, ali i procjena stanja sigurnosti u posmatranim segmentima ove Informacije o stanju kriminaliteta-sigurnosti na području Federacije Bosne i Hercegovine.



Grafikon 1.: Ukupan broj evidentiranih krivičnih djela na području F BiH

Posmatrajući ukupan broj evidentiranih krivičnih djela u Federaciji Bosne i Hercegovine razvrstanih po kantonima i broju istih u Federalnoj upravi policije, (Grafikon 1.) tokom mjeseca marta 2024. godine može se konstatovati povećanje za 136 (ili 10,74%) u odnosu na isti mjesec 2023. godine. Povećanje broja evidentiranih krivičnih djela zabilježeno je na području nadležnosti većeg broja kantona osim Unsko-sanskog kantona, Bosansko-podrinjskog kantona, Zapadnohercegovačkog kantona i Kantona Sarajevo.

Policijski službenici u FBiH radeći na dokumentovanju i otkivanju krivičnih djela evidentirali su 61 krivično djelo po Krivičnom zakonu Bosne i Hercegovine što je povećanje za 50 u odnosu na mart 2023. godine, dok su po Krivičnom zakonu Federacije Bosne i Hercegovine evidentirali 1.329 što je povećanje za 94 (ili 7,61%).

Povećanje broja krivičnih djela u odnosu na mart 2023. godine evidentirano u oblastima: protiv slobode i prava čovjeka i građanina, protiv spolne slobode i morala, protiv braka porodice i mladeži, protiv zdravlja ljudi, protiv privrede poslovanja i sigurnosti platnog prometa, protiv imovine, protiv okoliša i poljoprivrede i prirodnih dobara, protiv pravosuđa, protiv službene i druge odgovorne funkcije i u oblasti krivičnih djela iz sistema elektronske obrade podataka.

Smanjenje broja krivičnih djela zabilježeno u oblastima: protiv života i tijela, protiv terorizma, protiv opće sigurnosti ljudi i imovine, protiv sigurnosti javnog prometa, protiv javnog reda i pravnog prometa, u oblasti ostalih krivičnih djela prema KZ FBiH te oblasti krivičnih djela iz drugih posebnih zakona u odnosu na uporedni mjesec 2023. godine.¹

Broj krivičnih djela protiv života i tijela na području FBiH (Glave XVI Krivičnog zakona Federacije Bosne i Hercegovine) je isti kao u martu 2023. godine. Tokom izvještajnog mjeseca 2024. godine evidentirano je jedno krivično djelo iz člana 166. KZ FBiH – „Ubistvo“ po poznatom počiniocu na području nadležnosti Tuzlanskog kantona (u martu 2023. godine – nisu evidentirana ova krivična djela) te tri krivična djela iz člana 166. KZ FBiH u vezi sa članom 28. KZ FBiH – „Ubistvo u pokušaju“ (u uporednom mjesecu 2023. godine evidentirana dva krivičnih djela).²

Pregledom podataka sa područja Federacije BiH koji obuhvataju krivična djela počinjena protiv slobode i prava čovjeka i građanina (Glava XVII KZ F BiH) može se konstatovati povećanje za 28 (ili 49,12%) u odnosu na mart 2023. godine kao i broja krivičnih djela u oblasti protiv spolne slobode i morala (Glava XIX KZ FBiH) za tri (ili 42,86%).


¹ Za detaljniji prikaz povećanja, odnosno smanjenja ovih krivičnih djela pogledati tabele „Pokazatelji kriminaliteta po glavama KZ BiH/ KZ FBiH na području BiH“, strana 10. i 11.

² Tabelarni prikaz krivičnih djela iz Glave XVI KZ FBiH, pogledati na strani 13., tabela broj 6 i 7

Analizom krivičnih djela protiv javnog reda i pravnog prometa (Glave XXX KZ FBiH) evidentno je smanjenje za 26 djela (ili 25%) tokom marta 2024. godine. Broj evidentiranih i dokumentovanih krivičnih djela iz oblasti zloupotrebe opojnih droga je u povećanju za 36 (ili 20,34%), kao i broj lica sa osnovom sumnje za izvršenje ovih djela za 30 (ili 16,76%).³

U oblasti krivičnih djela privrednog, finansijskog kriminala i korupcije na području Federacije Bosne i Hercegovine evidentirano je 67 krivičnih djela što je povećanje za 22 (ili 48,89%) u odnosu na uporedni mjesec 2023. godine.

Sagledavajući i rezimirajući segment kriminaliteta, kroz evidentirana krivična djela počinjena tokom marta 2024. godine, a komparirajući navedena sa istim mjesecom 2023. godine, može se zaključiti da stanje sigurnosti iz ovog segmenta, na području Federacije Bosne i Hercegovine bilo zadovoljavajuće.



Grafikon 2.: Pokazatelji broja prekršaja iz oblasti JRM na području F BiH


Povećanje broja evidentiranih prekršaja iz oblasti javnog reda i mira tokom izvještajnog mjeseca 2024. godine u odnosu na isti mjesec 2023. godine zabilježeno je na području većeg broja kantona što u ukupnom broju evidentiranih prekršaja iz ove oblasti predstavlja povećanje za 64 prekršaja (ili 4,67%) kako slijedi u tabeli broj 20. U oblasti prekršajnih sankcija izdato je 1.122 prekršajna naloga što je povećanje za 62 (ili 5,85%).

Kada je riječ o oduzetom nelegalnom oružju i minsko-eksplozivnim sredstvima, povećan je broj oduzetih komada različitih vrsta puški, pištolja, ručnih bombi, te noževa, mačeva, sablji, kao i komada municije različitih kalibara tokom marta 2024. godine u odnosu na isti mjesec 2023. godine.⁴

³ Krivična djela iz oblasti zloupotrebe droga prezentovana na strani 14- 16, tabele broj 8 i 10.

⁴ Pokazatelji oduzetog nelegalnog oružja i drugih predmeta na području FBiH prikazani u tabeli na strani 29., tabele 25.

Sagledavajući stanje javnog reda i mira kroz pokazatelje broja evidentiranih prekršaja i broja izdatih prekršajnih naloga iz oblasti javnog reda i mira u martu 2024. godine u odnosu na isti mjesec 2023. godine zaključuje da je stanje nije povoljno.



Grafikon 3.: Pokazatelji broja saobraćajnih nesreća na području F BiH


Tokom marta 2024. godine na području Federacije Bosne i Hercegovine evidentirano je smanjenje broja saobraćajnih nesreća na području Kantona Sarajevo, Zeničko-dobojskog kantona i Tuzlanskog kantona što u konačnici prema statističkim podacima prikupljenim sa područja Federacije Bosne i Hercegovine daje prikaz smanjenja ukupnog broja saobraćajnih nesreća za 29 (ili 1,63%) u odnosu na isti mjesec 2023. godine. Broj povrijeđenih lica u saobraćajnim nesrećama bilježi trend povećanja za tri kao i broj poginulih lica koji je veći za tri. Po kategoriji učesnika u saobraćajnim nesrećama poginula lica pripadaju: kategoriji vozača – jedan i putnika – jedan i pješaka- tri.⁵

Pojačan preventivni rad policijskih službenika u Federaciji Bosne i Hercegovine, i primjena raspoloživih represivnih mjera, rezultirao je pokazateljima koji referišu povećanje broja izdatih prekršajnih naloga, broja pregledanih vozila te broja vozača zatečenih da upravljaju vozilima pod uticajem alkohola .. tokom marta 2024. godine u odnosu na uporedni mjesec 2023. godine.⁶

⁵ Kvantitativne pokazatelje vezane za sigurnost saobraćaja pogledati na strani 30 - 33.

⁶ Pokazatelji prezentovani u tabeli na strani 32., tabela 29.

Kao zaključak navodi se da je stanje sigurnosti u segmentu saobraćaja za mart 2024. godine zadovoljavajuće, u odnosu na uporedni mjesec 2023. godine na području Federacije Bosne i Hercegovine.



Grafikon 4.: Pokazatelji broja napada na policijske službenike na području F BiH

Tokom mjeseca marta 2024. godine evidentirano je pet napada na ovlaštena službena lica što je isti broj kao u uporednom mjesecu 2023. godine. Napadi na policijske službenike zabilježeni su na području nadležnosti: Kantona Sarajevo – četiri napada i Srednjobosanskog kantona – jedan napad.⁷

Sagledavajući sveukupne pokazatelje iz segmenata sigurnosti: kriminaliteta, saobraćaja i aktivnosti policije, tokom izvještajnog mjeseca 2024. godine u odnosu na uporedni mjesec 2023. godine zaključuje se da je sigurnosna situacija u Federaciji Bosne i Hercegovine na zadovoljavajućem nivou osim stanja javnog reda i mira.

⁷ Vidjeti tabelu broj 32